



重刻浮溪文粹序



世有事同而跡異者其闡揚宣布豈不存乎人哉永自零陵列為九郡泝漢至秦其間風氣未盡開功治未盡著而人文猶未暢也載歷魏晉隋唐又數百年而河東柳子厚氏以竄移至自在朝時其著撰已為一代詞宗愛傳於世至永而時窮慮研遂為晚年定制故今在永

諸作於泉石林竹有膾炙魚掌之嗜有  
瑰瓌特絕之稱蓋將終身不忍釋而天  
下不可踰者矣至論民俗土地之宜則  
必曰夷而不少諱焉更五代至宋又數  
百年而新安汪彥章氏學本六經該備  
衆體佐君于戎馬喋血之餘奮然以文  
章攘夷狄厲將士閔元元裁倖恩功參  
張岳而業濟中興乃建炎之宣公豈元

和之黨附哉虜平旣成而彥章遭諛削  
職于永州蓋以永為投畀之地也夫子  
厚在求十年知咎之不可外移也而乞  
巧于天託愚於溪以自晦彥章在永亦  
十餘年樂天知命朝孟夕尊其於擠黨  
是非之辨相忘于有年間矣而復托之  
玩鷗亭以自見蓋必有除殘拯溺之憂  
而後有役人之適有守正嫉邪之節而

後有結茅之安為給舍為翰林為閣學  
為州使終始一心內外無間故能同物  
我而無機變之示焉豈嬰情得失而恣  
肆於山水者哉彥章詩文格力華妙精  
深當與子厚相上下而忠謹過之今子  
厚之文大行于世尤為永士所喜彥章  
文學在當時稱江南寶而其所傳無幾  
永之士亦未聞焉不誠缺典矣乎今故

搜其舊刻廬江郡計文之粹者八十有  
五篇屬郡守板行之與子厚並又立祠  
于城闈之西北疑郡當時玩鷗處且風  
郡士立身宜以忠正文學兼飭以為山  
水榮也或曰祀其有功於民之義乎是  
不然此地自列郡以來幾千年矣在唐  
子厚稱其泉石而鄙俗以夷在宋尚為  
接界地入我

朝而民釐俗革幾于中州曷為而變道之  
速哉考前守建寓賢祠司馬祠乃元結  
而下十一人獨結以道刺寓餘以投畀  
寓近或一二年遠或七八年凡民之興  
非以其賢耶丕變之功非寓賢誰與歸  
哉矧彥章之寓又最久也而祀可獨缺  
乎茲祠之建蓋亦缺之舉也板其文所  
以徵其獻也余以後學分藩茲郡考

古問俗政所宜先安得不汲汲于是典  
哉梓成爰述顛末以告來者

嘉靖乙卯春三月之吉守上湖南西蜀  
胡堯臣頓首書于永之紫薇分署

永州府知府錢芹重刊

同知戴維師校正

萬曆乙卯歲孟夏月永州府署府事

同知王景勳重脩

漢書

卷第一

詔敕

皇太后告天下手書

建炎三年十一月三日德音

賜京畿京西湖北淮南諸州軍撫諭勅書

大行隆祐皇后謚議

卷第二

制

資政殿學士李昉滕康權知三省樞密院事

扈從大母往洪州制

待制楊時工部侍郎制

蘇軾孫從事郎符政宣教郎制

權邦彥復舊職知江州兼制置使制

修職郎王倫改朝奉郎充大金通問制

姚平仲復吉州團練使所在出榜及赴行在制

張邦昌責授昭化軍節度副使潭州安置制

吳玠莫儔散官安置制

宋齊愈罷職充軍御使兼勸制

耿南仲散官南雄州安置制

劉韜贈持進制

知懷州霍安國贈延康殿學士制

韓世忠除兩鎮節度使制

卷第三

表

辛亥年正旦遙拜道君皇帝表

賀赤烏白鵲表

羣臣上皇帝勸發第一表

謝除燕侍講表

謝進書特授左中大夫表

謝授新安郡侯表

謝泉州到任表

皇太后還闕賀表

謝請永州居住表

賀皇太子正位表

卷第四

奏議

奏論補士瑗高郵軍並任不當狀

奏論宋晦落職不當行詞狀

奏論金人留建康乞分張俊軍馬策應狀

奏論諸將無功狀

乞修日曆奏狀

卷第五

奏議

行在越州具時政書



卷第六

記

嚴州高風堂記

洪州右獄盡心堂記

清風堂記

永州柳先生祠堂記

文正公祠堂記

卷第八

鎮江府重修州學大成殿記

永州玩鷗亭記

長興周如愚殖齋記

鎮江府月觀記

卷第八

序

蘇魏公文集序

吳園先生春秋指南序

跋

書陳文公逸事後

跋東原集序

卷第九

碑

信州一堂碑

祭文

祭河文

傳

郭永傳

書

見謝給事書

銘

熊叔雅研銘

董天任研銘

卷第十

神道碑

尚書刑部侍郎贈端明殿學士程公神道碑  
龍圖閣學士左朝請大夫滕公神道碑

卷第十一

神道碑

朝請郎龍圖閣待制知亳州贈少師傅公神道碑  
尚書禮部侍郎致仕贈太中大夫衛公神道碑  
朝請郎陶君墓表銘

卷第十二

墓志銘

徽猷閣直學士致仕贈特進顯謨閣直學士  
蔣公墓志銘

徽猷閣待制致仕蘇公墓志銘

朝請大夫直秘閣吳君墓志銘

朝請郎知建昌軍贈朝請大夫劉君墓志銘

卷第十三

墓志銘

左朝請大夫知全州汪君墓志銘

朝散郎致仕胡君墓志銘

安人王氏墓志銘

卷第十四

行狀

朝散大夫直龍圖閣張公行狀

卷第十五

詩

桃源行

過吳明叟新居

同張昌時宿高明寺

次高郵軍

阻風雨辟渡寄王仲成

避地幽亭野步

庚午歲屏居零陵以門拵候虫秋為韻

次韻向君受感秋

晚發吳城山

過臨平

書寧川驛壁

宿鄴侯鎮

龜山上方

醉別李高侍郎

漫興

北窻

已酉亂後寄常州使君姪

古鏡行

蔡天任韻

詞

點絳脣

小重山

附錄

顯謨閣學士左太中大夫新安郡開國侯食  
邑一千五百戶食實封一百戶端明殿學  
士汪公墓志銘

宋史文苑傳

附羅鄂州遺文

顯謨閣學士程邁傳

司業胡仲傳

浮溪文粹卷之一

詔敕

○ 皇太后告天下手書

悲傷痛悼真足感動人心

比以敵國興師都城失守。侵纏宮闕。既二帝之蒙塵。誣及宗祧。謂三靈之改卜。衆恐中原之無統。姑令舊弼以臨朝。雖義形於色。而以死為辭。然事迫於危。而非權莫濟。內以拯黔首將亡之命。外以紓隣國見逼之威。遂成九廟之安坐。免一城之醜。乃以衰癯之質。起於閒廢之中。迎置宮闈。進加位號。舉欽聖已還之

典成靖康欲復之心。永言運數之心。坐視邦家之覆。撫躬獨在。流涕何從。緬惟藝祖之開基。實自高穹之眷命。歷年二百。人不知兵。傳序九君。世無失德。雖舉族有北轍之釁。而敷天同左袒之心。乃眷賢王。越居近服。已徇羣情之請。俾膺神器之歸。繇康邸之舊藩。嗣宋朝之大統。漢家之厄。十世宜光。武之中興。獻公之子。九人唯重。取之尚在。茲為天意。夫豈人謀。尚期中外之協心。同定安危之至計。庶臻小惕。同底丕平。用敷告于多方。其深明於吾意。

○ 建炎三年十一月三日德音

有罪已恤民之意可與陸宣公奉天

詔參

門下禦敵者莫如自治。動民者當以至誠。朕自續不圖。即罹多故。昧緩懷之遠。畧貽播越之深。夏雖眷我中原。漢祚必期於再復。而迫於強敵。商人幾至於五遷。茲緣仗衛之行。尤聽江山之阻。老弱扶攜於道路。饑疲蒙犯於風霜。經從或苦於繹騷。程頓不無於煩費。所幸天人協相。川陸無虞。溯古之時。巡即奧區。而安處言念。連年之紛擾。坐令率土之流離。鄉閭遺於

劫之裁財力困供輸之後肆風宵而軫慮如水炭之  
交懷嗟汝何辜由吾不德故每畏天而警戒誓事克  
已以焦勞欲陸隣休戰則卑辭屈禮以請和欲省費  
恤民則貶食損衣而從儉苟可坐銷於氛祲殆將無  
愛於髮膚然邊陲歲駭而師徒不免於屢興餽餉日  
滋而征斂未遑於全復惟八世祖宗之澤豈汝能忘  
顧一時社稷之憂非予獲已少候寇攘之息首圖蠲  
省之宜况昨來蒙蔽之俗成致今日凌夷之禍亟雖  
朕意日求於民瘼而人情終壅於上聞主威非特於

萬鈞堂下自遠於千里既真偽有難憑之患則遐邇  
銜無告之冤已救輔臣相與肅懷而聽納亦令在位  
各須忘勢以咨詢直言者勿道危疑忠告者靡拘微  
隱所期爾衆或體朕懷尚慮四民興失職之嗟百姓  
有奪時之怨科湏苛急人心難俟於小康犴獄蕃滋  
邦法有稽於末減乃用迎長之節特頒在宥之恩於  
豈王者宅中夫豈甘心於遠待皇天助順其將悔禍  
於交侵唯我二三之臣與夫億兆之衆亟攘外侮協  
濟中興



賜京畿京西湖北淮南路諸州軍撫諭敕書  
敕開封府等官吏軍民朕惟中夏耕稼之區遭強虜  
腥膻之毒百城相望無復炊煙三壤雖存鞠為茂草  
每興言而及此輒回首以愴然使民喪亂以亡歸咎  
朕菲涼之所致幸昊穹之悔禍偶邊鄙之息肩顧乖  
離蕩析之餘宜還定拊循之急故令方伯就布詔恩  
爾其効率族嫻歸安問里庠錢鏹而觀銍艾雖未能  
即及於周詩賣刀劍而買犢牛庶或可漸成於漢俗  
亟臻寧謐用副焦勞故茲撫諭想宜知悉

○

大行隆祐皇太后謚議

新詩壯麗  
善於鋪張

臣伏奉敕命禮部據太常寺申今來隆祐皇太后崩  
合差謚議官差臣撰謚議者臣謹上議曰臣聞承天  
者地也所以函六氣而熙歲功配陽者陰也所以分  
四時而成物化儷宸極者后也所以奉宗祐而降化  
基故古之母儀天下者生也薦之尊名終而述其大  
行三代尚矣靡得而詳在漢則明德和嘉著稱於前  
在唐則文德懿安垂紀于後皆所以揭極塗之軌炳  
影筦之輝魏巍乎與帝德並隆不可貶已洪惟大行

隆祐皇太后躬聖善之德茂柔明之資粵自先正魏  
王有功仁祖之世王室所賴旂常紀之其澤深慶臨  
用集我大母基迹元祐嬪于奉陵逮事宣仁欽聖兩  
宮稟二南之規兼四教之善正位宮掖三十餘年含  
弘光大而體坤道之常進退存亡而得聖人之正及  
結康初載天割我家二帝出郊中原無統列辟相視  
莫知所歸我大母起於危疑之中自任以天下之重  
手援大嘗授之聖明當方隅傾側之時序燦歷纂承  
之次雖文考以千載異局不能遺也已而六飛南渡

按躡武林元兇闕朝寃自內作天下之勢甚於綴旒  
我大母投袂而履禍機立談而銷逆祲坐使天地復  
正三辰復明四方元元悉免塗炭雖媧皇以鍊石補  
天不能過也既勲猷崇極如此而乃抑華敦儉率禮  
蹈和塞私謁之塗裁外家之寵清淨謙冲而以道為  
本沉潛剛克而與神為謀擁佑聖躬殫誠盡愛煌煌  
乎度越麟趾思齊之上矣方期清我甸服駕旋舊京  
虔奉翟車謁款宗廟極四海之養即東朝之安而昊  
天不辰禍結慈極郊蠶告畢方開盛夏之祥隙駟難

留遽掩長秋之御茲天子追慕悼心失圖歎厚載之中傾痛仙游之不返雖遂服不可勉從暮歲之喪而興哀之時每過舉音之節由是命有司考易名之典懋飾終之儀告於神明節以四惠庶幾有以彰淑則而暢徽音謹按謚法明德有功曰昭視民如子曰慈聰明睿智曰獻安民有功曰烈若乃兩值時變當陽御簾基圖既安即復明辟澤及萬世與天無窮非明德之功邪寢興焦勞言動懇惻冒風濤兵革之險濟宇宙生靈之艱非視民如子邪察興替之端知變通

之利親庶政以任溥天之責奉真人以膺神器之歸非聰明睿智邪中微之緒而我振之大亂之原而我室之從容房帷密幹鴻造非安民有功邪嗚呼道之大者理謝形容名之尊者言絕稱謂故古者賤不誅貴幼不誅長而皇后之謚則請之於廟示維天子必有尊也况我大母盛德元功曷無前比豈承學之臣所能議擬意者必受成于宗廟為是以對在天之靈大行隆祐皇太后謚議宜以祖宗之命錫之曰昭慈獻烈皇后臣謹議

浮溪李村老之

制

資政殿學士李邴滕康權知三省樞密院事  
從大母往洪州制

朕眷留近甸規復中原載惟南國之奧區宜處東朝  
之嚴衛乃令近效恭扈遐征既專留鑰之權仍總行  
臺之政具官某剛明而沉邃敦實而裕和謀謨為至  
治之基議論得大臣之體延登未久已聞魏相之有  
聲委任雖艱所賴姚崇之知變茲屬陪危之會尤須

倚重之才孰副予求莫如汝器是用輟從四近之列  
遣率百司之行朝長樂之宮以日承於溫清分周公  
之陟其身任於安危稍戢干戈即還廊廟

○待制楊時工部侍郎制

朕不堪多難思見老成如升堂而聞蕭韶庶幾還風  
俗之厚若入國而望喬木有以知朝廷之尊既得其  
人當縻以秩具官某言垂當世名配前脩學必可細  
得師友淵源之正心無他慮惟國家飢渴之憂茲復  
綴於清班將每詢於黃髮雖閭勞以職事之虞然重

矣此典刑之義非貳卿崇獎何以慰士夫之心非徒  
部優閒無以寬耆艾之責勉留助朕勿復言歸

蘇軾孫從事郎符政宣教郎制

用事切當符命世正之體

論世者豈惟喬木懷人者猶及其棠偉哉千載之美  
繫我五朝之望朕不及見有孫而才宜加政秩之崇  
用示好賢之意昔賈生明王道漢錄賈嘉之能魏公  
進忠規唐表魏謩之烈人門無用今古所同其振爾  
之家聲以待予之器使

權邦彥復舊職知江州兼制置使制

遇敵而致毘陵之奔孟明有罪毀家而紓楚國之難  
令尹為志我有藩臣嘗隳城守已正簡書之坐當還  
符竹之分具官某頃典大州適當強虜既盡逾年之  
抗遂遭全室之留雖徐庶思親何勝方寸之亂而真  
卿委郡不廢朝廷之歸在國法以靡容於人情而可  
憫付兵民之重寄專江漢之上游盡復爾班式遠其  
徃毋愴家庭之禍當思上室之艱

○脩職郎王倫改朝奉郎克大金通問使制

用事切當

朕惟疆事未寧親庭在遠夙宵軫念庶孝悌通于神  
明物色求人儻忠信行於蠻貊眷茲久矣今乃得之  
以爾胄出公侯資兼勇智言念生憂而臣辱何有於  
生如皆已佚而人勞孰當其責雖淹回之未試獨慄  
慨以請行宜升郎秩之榮仍委使華之重朕既俯同  
晉國用魏絳以和戎爾其遠慕侯生御太公而歸漢  
勿憚徂征之遠佇期歸報之休

姚平仲復吉州團練使所在出勝召赴行在制  
漢室備胡復魏尚雲中之守秦人禦晉赦孟明殺毘

之奔與其選衆而收新進之才孰若棄瑕而責老成  
之效具官某稟資沉鷲事上朴忠昨緣外侮之侵常  
界中權之任乃恃戎昭之果靡遵廟勝之謀坐此逾  
年隱於亡命肆朕篡圖之始求時敵愾之良議者皆  
言汝為可用執干戈而衛社稷方急壯猷聽鼓鼙而  
思將臣宜頒異數爰復州團之秩俾趨岳狩之朝庶  
分北顧之憂尚抹東隅之失勉圖而績仰副朕知  
張邦昌責授昭化軍節度副使潭州安置制  
以死償節者臣子之宜求生害仁者聖人所嫉儻或

亡存於難命則將義薄於君親具官某身受國恩位  
登宰輔方宗社有非常之變乃人臣思自盡之時而  
不抗虎狼強暴之威徒欲為雀鼠偷生之計陷於大  
惡所不忍言雖天奪之明坐愚至此然君異於器代  
墮可乎宜大正於典刑用肅清於名以本繇於  
迫脅惻然姑示於矜容黜授散官竄聲流服其體好  
生之德毋忘自訟之心

吳玠莫傳散官安置制

朕惟國家厲名節於百年之餘尊士於衆人之上

非以周旋於間暇益將責望於艱危苟損狗國之  
無人則排難解紛之奚賴共官其早緣推擇進職近  
班當君親蒙蔽於氛埃至臣子盜稱於名字茲非小  
變何以生為乃通命令之往來坐使等威之差備此  
而闕畧孰不可容宜寵秩之盡鑄以一官而置散毋  
忘自省服我寬恩

宋齊愈罷諫議大夫送御史臺根勘制

義重於生雖匹夫不可奪志士失其守或一三幾於  
喪邦具官其蒙國厚恩為時顯官方氛侵結蕭牆之

內至濕腫謀國位之人事既持常察言色所幸標  
符之未獲奈何據筆以憑書遺毒至今造端自汝駐  
孟五行之說豈所自言袁宏九錫之文茲焉安忍其  
解諫垣之職以須廷尉之平邦有常刑朕安敢赦

耿南仲散官南雄州安置制

梁信侯景之姦而臺城不守唐養祿山之禍而靈武  
僅存惟議者失於毫釐之間斯敵人玩於股掌之上  
爾近儒無斷循默苟容道君疑蕭傅之賢選參儲禁  
淵聖用其盤之舊擢預政機方醜虜之憑陵舉中原



而震擾克緩多難所恃老謀乃憑款敵之言堅主張  
兵之議積其憤耗成此艱危朕念夫當垂白之年寧  
為爾受失刑之謗而煩言存至重比難秘姑黜置於  
散官用寬投於荒服汝雖知免吾悔可追

劉韜贈特進制

忠人臣之大本全者幾希死天下之至難在乎所處  
嗟我仰成之耆倅慨然不崩於兵威既沒元身宜加  
爵秩具官某天資並重心術遠明內領藩條外活民  
之政外臨邊境揚威敵之功方當廊廟之謀遽復朝

廷之變不幸閣下...  
巾心肯移於一姓仲誠...人將贖於百身外華一  
品之班加賁九原之德庶幾稍爽不昧欽承

知懷州霍安國贈延康殿學士制

哀悼之情  
藹然言外

賢者事君豈為保妻子之計國家多事所貴死封疆  
之臣我有藩宣之英靡從威武之奪既遭奇禍宜峻  
恩章具官某少有令名屢更煩使昨任州符之寄適  
當邊徼之衢嬰無援之孤城抗方虓之醜虜壯矣張  
巡之百戰躬履顏行哀哉下壺之一門幾無噍類屬

予初載聞此沉寃念逝者之何辜為潸然而出涕茲  
陞華於秘殿仍加恤於遺孤庶爾精忠光吾信史

韓世忠除兩鎮節度使制

門下提貔虎以振天威深入山川之阻取鯨鯢而據  
國憤未為宗社之休既執訊以來歸宜酬勲於不次  
肆頒明命敷告治朝具官某事上樸忠臨機英果稟  
剛以俗茸陳燕六郡之良決勝重圍飛羽有萬人之  
敵蚤備帥干之試旋膺齊鉞之除豈惟蹇蹇是以匪  
每元多而善非獨此也

小窺朝允竟干紀既罪人之未得斯王旅以徂征迎  
敵鼓行靡待前茅之偵禽囚歸報遂成獨柳之誅華  
夷由此以知威天地為之而卷褻凱歌一奏盟府交  
書是用取累朝最盛之規加兩鎮久虛之渥視班亞  
保并爵元侯增邑食於爰田衍并腹於真賦併為異  
數用表元勳於戲見無禮於君爾既殫於忠盡歸飲  
至於廟我何愛於寵褒惟功名烈士之始終惟爵祿  
有邦之勸沮尚圖後效更檢前休

江漢文

卷

之三

七



